

Lää'kk

puäzztääł da luättjie'llemvuõ'jji raajästuarjjõõzzin uvddum lää'jj mottmõõžžâst

Ee'ttik-kää'dd tu'mmstõõgg meäldlânji
kää'mtet puäzztääł da luättjie'llemvuõ'jji raajästuarjjõõzzin uvddum lää'jj (986/2011) 10 § 4
 momee'nt, nâkmen ko tõt lij lää'jjest 1676/2015, di
lââ'zztet lâkka odd 10 a § tän-nalla:

10 a §

Puäzzhâiddlää'jj õõłgtõõzzi jâä'kkummuš

Paalgâskâdda vuei'tet miõttâd tuärjjõõzz tâ'lk, jõs paalgâskââ'dd jeällpuõccui mie'rr ij mõõn puäzzhâiddlää'jj nuäjain šiõttuum suurmõs soovsum meä'r pâ'jjel.

Jõs paalgâskâ'dd lij tu'mmjam puäzzhâiddlää'jj 21 § 3 momee'nt le'be 40 b § 3 momee'nt nuäjain, što paalgâskâ'ddmeäldlaž suurmõs soovsum jeällpuäzzmie'rr lij vue'llgab ko 1 momee'ntest jurddum jeällpuäzzmie'rr, tuärjjõõzz vuei'tet miõttâd tâ'lk, jõs paalgâskââ'dd tu'mmstõõgg meäldlaž jeällpuõccui jäänmõsmie'rr ij mõõn pâ'jjel.

Lappi jie'llemviõkk-kõõskõs vuäitt kuuitâg tu'mmjed, što tuärjjõõzz miõdât, jõs paalgâskââ'dd jeällpuäzzmie'rr lij jäänmõsân koumm prosee'nt suuab ko paalgâskâ'ddmeäldlaž suurmõs soovsum puäzzmie'rr da pâ'jjel mõõnmõ'sše lie jeä'rab määin.

Tuärjjõõzz miõttmõš paalgâskâdda ooudald, što paalgâskâ'dd lij jâä'kkam puäzzhâiddlää'jjest šiõttuum puäzzjännmi hâidd- da âä'nneplaan tuejjummuž da mottmõõžž kuõskki õõłgtõõzzid. Tuärjjõõzz miõttmõš paalgâskâdda cõggan, jõs tâimmvâlddasaž ve'rğğnee'kk teädašt lij, što paalgâskâ'dd lij tuärjjõõzz oocâmee'jj le'be tøn ou'dab ee'jj tuõdlânji kuäddam tuejjeekani jee'res puäzzhâiddlää'jjest šiõttuum õõłgtõõzzees.

Mâid 1–4 momee'ntest šiõtteet, ij cõõgg investâ'stemtuärjjõõzz miõttmõõžž paalgâskoo'ddi õõutâst vuä'mstem ä'httempõõrt vääras.

Tät lää'kk puätt viõ'kke geassemannu 1 peei'v 2026.

Ouddâl tän lää'jj viõ'kkepuättmõõžž kiõtt'tõõllâm vuälla puättam ooccmõ'sše suävldet tän lää'jj viõ'kke puä'deen viõggâst âarram šiõtlmid.

446/2026

He'issnest 29.5.2026

Tää'ssvää'ld preside'ntt

Alexander Stubb

Mädd- da meä'cctäällminister Sari Essayah